

高僧行誼

高僧：對德行崇高僧人的尊稱。

行誼：本義為合宜的道德、行為。

南朝梁·慧皎首創《高僧傳》卷 14，其《序錄》認為：僧“若實行潛光，則高而不名；寡德適時，則名而不高”。(CBETA, T50, no. 2059, p. 419, a23-26)

1、我將謂汝是箇人

《五燈會元》卷 13：「【雲居道膺禪師後結庵於三峰。經旬不赴堂。洞山良價禪師問。】子近日何不赴齋。師曰。每日自有天神送食。山曰。我將謂汝是箇人。猶作這箇見解在。汝晚間來。師晚至。山召。膺庵主。師應諾。山曰。不思善。不思惡。是甚麼。師回庵。寂然宴坐。天神自此竟尋不見。如是三日乃絕。」(CBETA, X80, no. 1565, p. 266, c13-17)

2、《五燈會元》卷 2：「南陽慧忠國師者

越州諸暨人也……唐肅宗上元二年。勅中使孫朝進賣詔徵赴京。待以師禮。

時有西天大耳三藏到京。雲得他心通。肅宗命國師試驗。三藏纔見師便禮拜。立於右邊。師問曰。汝得他心通那。對曰。不敢。

①師曰。汝道老僧即今在甚麼處。曰。和尚是一國之師。何得卻去四川看競渡。

②良久。再問。汝道老僧即今在甚麼處。曰。和尚是一國之師。何得卻在天津橋上看弄獼猴。

③師良久。復問。汝道老僧只今在甚麼處。藏罔測。師叱曰。這野狐精。他心通在甚麼處。藏無對

僧問仰山曰。大耳三藏第三度為甚麼不見國師。山曰。前兩度是涉境心。後入自受用三昧。所以不見。」(CBETA, X80, no. 1565, p. 60, b18-p. 61, c8)

3、吾本不生，汝焉能死---元珪禪師

《五燈會元》卷 2：「嵩嶽元珪禪師，謁安國師。頓悟玄旨。遂蔔廬於嶽之龐塢。

一日。有異人峩冠袴褶(徒賴切)而至。從者極多。輕步舒徐。稱謁大師。師觀其形貌。奇偉非常。乃諭之曰。善來仁者胡為而至。彼曰。師寧識我邪。師曰。吾觀佛與眾生等。吾一目之。豈分別邪。

彼曰。我此嶽神也。能生死於人。師安得一目我哉。師曰。吾本不生。汝焉能死。吾視身與空等。視吾與汝等。汝能壞空與汝乎。苟能壞空及汝。吾則不生不滅也。汝尚不能如是。又焉能生死吾邪。

神稽首曰。我亦聰明正直於餘神。詎知師有廣大之智辯乎。願授以正戒。令我度世。師曰。汝既乞戒。即既戒也。所以者何。戒外無戒。又何戒哉。神曰。此理也我聞茫昧。止求師戒我身為門弟子。

師即為張座。秉爐正幾曰。付汝五戒。……神曰。我神通亞佛。師曰。汝神通十句·五能五不能。佛則十句·七能三不能。神悚然避席。跪啟曰。可得聞乎。

師曰。汝能戾上帝·東天行¹而西曜乎²。曰。不能。

師曰。汝能奪地祇³·融五嶽⁴而結四海⁵乎。曰。不能。

師曰。是謂五不能也。

①佛能空一切相。成萬法智。而不能即滅定業。

②佛能知羣有性。窮億劫事。而不能化導無緣。

③佛能度無量有情。而不能盡眾生界。

是為三不能也。

定業亦不牢久。無緣亦是一期。眾生界本無增減。互無一人能主其法。有法無主。是謂無法。無法無主。是謂無心。如我解。佛亦無神通也。但能以無心通達一切法爾。

神曰。我誠淺昧。未聞空義。師所授戒。我當奉行。今願報慈德。効我所能。師曰。吾觀身無物。觀法無常。塊然更有何欲邪。

神曰。師必命我為世間事。展我小神功。……知有佛有神……佛亦使神護法。師寧隳叛佛邪。願隨意垂誨。

師不得已而言曰。東巖寺之障。莽然無樹。北岫有之而背非屏擁。汝能移北樹於東嶺乎。神曰。已聞命矣。……

其夕。果有暴風吼雷。奔雲掣電。棟宇搖蕩。宿鳥聲喧。師謂眾曰。無怖。無怖。神與我契矣。詰旦和霽。則北巖松栝盡移東嶺。森然行植。師謂其徒曰。吾沒後無令外知。若為口實。人將妖我。以開元四年丙辰歲囑門人曰。吾始居寺東嶺。吾滅。汝必真吾骸於彼。言訖若委蛻焉。」

(CBETA, X80, no. 1565, p. 53, c3-p. 54, b10)

■ 佛教為何不顯神通

1 生佛無別

《大方廣佛華嚴經》卷 51〈37 如來出現品〉：「無一眾生而不具有如來智慧，但以妄想顛倒執著而不證得；若離妄想，一切智、自然智、無礙智則得現前。」(CBETA, T10, no. 279, p. 272, c5-7)

《大方等如來藏經》卷 1：「我以佛眼觀一切眾生。貪欲、恚癡、諸煩惱中。有如來智、如來眼、如來身。結加趺坐，儼然不動。」(CBETA, T16, no. 666, p. 457, b28-c1)

2 性海非遙，但向己求

《五燈會元》卷 2：「南嶽慧思禪師……示眾曰。道源不遠。性海非遙。但向己求。莫從他覓。」(CBETA, X80, no. 1565, p. 67, b15-18)

3 神通變化不離吾心

①《五燈會元》卷 2：「(四祖道信大師曰)夫百千法門。同歸方寸。河沙妙德。總在心源。一切戒門·定門·慧門·神通變化。悉自具足。不離汝心。」(CBETA, X80, no. 1565, p. 48, b1)

②(虛雲老和尚 在重慶慈雲寺開示)：禪宗法門，以直見本性為學，若果能徹見本性，則神通妙用，自然具足。豈不見，《楞嚴經》雲：“性火真空，性空真火。”地、水、風等，亦復如是。得見本性者，自然應用無礙，自家故物，不待外求。苟有未能，以其功未齊于諸聖，力不充也。

③《五燈會元》卷 3：「百丈懷海禪師曰：但歇一切攀緣。貪嗔愛取。垢淨情盡。對五欲八風不動。不被見聞覺知所縛。不被諸境所惑。自然具足神通妙用。是解脫人。」(CBETA, X80, no. 1565, p. 72, a11-14)

4 本有之性，遍一切處

《指月錄》卷 6：「嵩嶽破竈墮和尚，不稱名氏。言行叵測。隱居嵩嶽。山塢有廟甚靈。殿中惟安一竈。遠近祭祀不輟。烹宰物命甚多。

師一日領侍僧入廟。以杖敲竈三下曰。咄。此竈。只是泥瓦合成。聖從何來。靈從何起。恁麼烹宰物命。又打三下。竈乃傾破墮落。須臾有一人青衣袈冠。設拜師前。

師曰。是甚麼人。曰。我本此廟竈神。久受業報。今日蒙師說無生法。得脫此處。生在天中。特來致謝。

師曰。是汝本有之性。非吾強言。」(CBETA, X83, no. 1578, p. 459, a23-b6)

5 佛法是心地法

①《五燈會元》卷2：「（華嚴宗五祖）圭峰宗密大師答史山人十問……四問。凡修心地之法，為當悟心即了，為當別有行門？……若悟即同諸佛，何不發神通光明？」

答。識冰池而全水。藉陽氣而鎔消。悟凡夫而即真。資法力而修習。冰消則水流潤。方呈溉滌之功。妄盡則心靈通。始發通光之應。修心之外。無別行門。」(CBETA, X80, no. 1565, p. 64, b1-6)

②（虛雲老和尚 在重慶慈雲寺開示）：一般不明佛法者。未忘名利。求通求變。存此妄想。非邪即魔。須知佛法是在自己心內。不可心外取法。神通屬用功之過程。豈可立心希求。有此用心。豈能契無住真理。此類人們。佛謂之可憐憫者。

6 得其本，不愁其末

《五燈會元》卷9：「（仰山慧寂禪師示眾曰）：我今分明向汝說聖邊事。且莫將心湊泊。但向自己性海。如實而修。不要三明六通。何以故。此是聖末邊事。如今且要識心達本。但得其本。不愁其末。他時後日。自具去在。若未得本。縱饒將情學他亦不得。」(CBETA, X80, no. 1565, p. 189, b5-9)

7 天神仙魔等皆有神通，莫是聖否

《指月錄》卷14：「（臨濟義玄禪師雲）：你道佛有六通。是不可思議。一切諸天、神仙、阿修羅、大力鬼亦有神通。應是佛否？道流莫錯。祇如阿修羅與天帝釋戰。戰敗領八萬四千眷屬。入藕絲孔中藏。莫是聖否。」(CBETA, X83, no. 1578, p. 562, b15-18)

8 佛制戒神通

①《根本薩婆多部律攝》卷9：「若苾芻尼對大師前。現神變者。亦得惡作。」(CBETA, T24, no. 1458, p. 576, b3-4)

②《根本薩婆多部律攝》卷9：「若對俗人現神通者。得惡作罪……為顯聖教現稀有事……或欲令彼所化有情心調伏故。雖說無罪。」(CBETA, T24, no. 1458, p. 576, b2-6)

③《大智度論》卷28〈1序品〉：「菩薩離五欲，得諸禪，有慈悲故，為眾生取神通，現諸希有奇特之事，令眾生心清淨。何以故？若無希有事，不能令多眾生得度。」(CBETA, T25, no. 1509, p. 264, b15-18)

④《楞嚴經》卷6：「我滅度後，勅諸菩薩及阿羅漢應身生彼末法之中，作種種形度諸輪轉，或作沙門、白衣居士、人王、宰官、童男、童女，如是乃至婬女、寡婦、姦偷、屠販，與其同事稱歎佛乘，令其身心入三摩地，終不自言我真

菩薩、真阿羅漢。泄佛密因、輕言未學，唯除命終陰有遺付。」(CBETA, T19, no. 945, p. 132, c8-14)

⑤《五燈會元》卷4：「鎮州普化和尚者，唐咸通初。將示滅。乃入市謂人曰。乞我一箇直裰。人或與披襖。或與布裘。皆不受。振鐸而去。

臨濟令人送與一棺。師笑曰。臨濟廝兒饒舌。便受之。乃辭眾曰。普化明日去東門死也。郡人相率送出城。師厲聲曰。今日葬不合青烏。乃曰。明日南門遷化。人亦隨之。

又曰。明日出西門。方吉。人出漸稀。出已還返。人意稍怠。第四日。自擎棺出北門外。振鐸入棺而逝。

郡人奔走出城。揭棺視之。已不見。唯聞空中鐸聲漸遠。莫測其由。」

(CBETA, X80, no. 1565, p. 99, a4-b7)

①義見《大智度論》：神通雖是妙用，終為幻妄；未得漏盡通者，如偶發神通(五通)，必至隨妄流轉，墮於魔外數中。佛法以正知正見教導世間，使一切眾生，皆得般若，度為究竟，若以神通設教，反使眾生易著幻秘，難入正覺之途。故吾佛遺教，經謂大阿羅漢，亦有神通，亦無神通，而其得漏盡通者一也

②《禪海蠹測》：禪宗正見，尤不重此，叢林規範，以神通惑眾者，遷單(放逐)。佛之正法眼藏，不至入於外道之流，端賴有此戒制。故禪門宗師，或有以神通示跡者，必故示狂顛，不提持正印。荷擔慧命者，則不言神通，以平實為人，作人天表率。

③《虛雲和尚年譜》：牛頭山法融禪師未見四祖時。百鳥銜花供養。見四祖後百鳥不來。這是什麼道理？

佛法不可思議境界。天人散花無路。鬼神尋跡無門。有則生死未了。但無又不是。枯木岩前睡覺。一不如法。工夫便白費了。

我們就不如古人。想天人送供。天人不管你。因為我們沒有行持。真有行持的人。十字街頭。酒肆淫坊。都是辦道處所。但情不附物。物豈礙人。如明鏡照萬像。不迎不拒。就與道相應。著心迷境。心外見法就不對。

9 神通抵不過業力

①目連尊者是有名的神通第一，但當釋迦族遭受滅族之難時，雖以神通將鉢救人，救出之後，活人都成了血水；

②《目連救母經》記載，目犍連尊者曾以神通力量，得知其生母因生前造大惡業墮入地獄，受大苦難，而求助佛陀。佛陀告訴他在農曆七月十五日這天，以

百味飲食置盂蘭盆中，供養出家僧眾。目犍連依此而作，終使其母得救。後世依此方法為亡靈超度，並形成“盂蘭盆會”節日。千百年來這一節日在佛教及世俗社會裡盛行不衰，目犍連也因此馳名古今。

目犍連尊者的生母在地獄受苦，應該是因果報應，神通是不抵業力的，否則佛陀也不會對祖國的亡國無能為力了。

- **醒悟：靠自己（蝸牛的故事、老鷹與小鷹）**

《遺教經論》卷 1：「我如良醫知病說藥。服與不服非醫咎也。又如善導導人善道。聞之不行非導過也。」(CBETA, T26, no. 1529, p. 289, b27-29)